

# EJENTE LEYI TSARISIWEKE

## Xana u tsarisa njhani tanihi ejente leyi tsarisiweke?

Ejente leyi tsarisiweke i munhu (munhu hi yexe kumbe tikhamphani) leyi kumekaka eAfrika-Dzonga yi nga tsarisa tanihi ejente leyi tsarisiweke ku tirha ematshan'wini ya murhangeri wa matikomambe. Swi na nkoka ku tekela enhlokweni leswaku '[ejente leyi tsarisiweke](#)' a yi fani na 'ejente ya mbhasiso' leyi nyikiweke layisense sweswi. Munhu un'wana na un'wana wa Afrika-Dzonga kumbe khamphani leyi tsarisiweke yi nga endla xikombelo xo lava ku va 'ejente leyi tsarisiweke'. Ejente ya mbhasiso leyi nyikiweke layisense yi nga va 'ejente leyi tsarisiweke'. Swilaveko swa tiejente teto leti tsarisiweke hi leswi landzelaka:

- Xikombelo xi fanele ku endliwa eka fomo ya DA185 na le ka anekijara leyi faneleke;
- Endzhaku ka ntsariso, a ku laveki bondo ya byarhavutihlamuleri ya tiko kumbe hi ndzhawu. HambiswiritanoSARS yi hlayisa mfanelo yo sindzisa tibondo ta byarhavutihlamuleri loko ku ve xiyimo xa ejente leyi tsarisiweke xa tsana eka nkarhi wo karhi.

Ejente leyi tsarisiweke yi fanele yi amukela ku mihlawulo leyi nga endliwa hi murhangeri wa matikomambe leyi kombisaka leswaku i mitirho yihi (mutundzi, murhumeri wa tinhundzu ematikwenimambe kumbe mususi wa tinhundzu eka bondo) leyi faneleke ku tirhiwa ematshwan'wini ya murhangeri wa matikomambe. Munhu loyi a endlaka xikombelo xa ntsariso tanihi "Ejente leyi Tsarisiweke" u fanele a kumeka laha Afrika-Dzonga:

Ejente leyi tsarisiweke leyi hlawuriweke (hi ku ya hi anekijara DA 185 D):

- Yi na vutihlamuleri byo fikelela swiboho hinkwaswo leswi sindzisiweke eka mutundzi, murhumeri wa tinhundzu ematikwenimambe kumbe mususi loyi a nga na layisense.
- U fanele a tata no rhumela mitiviso ya mbhasiso ya Khasitomo (CCD) ematshan'wini ya murhangeri wa matikomambe; na
- A nga rhumela fomo yo endla xikombelo ematshan'wini ya murhangeri wa matikomambe (xik.mutundzi, murhumeri wa tinhundzu ematikwenimambe kumbe mususi wa tinhundzu eka bondo) eka Khasitomo.

## Xana hi tihhi tifomo leti faneleke ku tatiwa ku titsarisela tanihi ejente leyi tsarisiweke?

- [DA185 - Application form: Registration/Licensing of Customs and Excise Clients](#)
- [DA185.4A13 – Registered Agent Client](#)
- Loko nsirhelelo wu laveka, tlhela u tata DA185.C.

A ku laveki switsariwa swo engetelela swo seketela tanihileswi muendli wa xikombelo a faneleke ku a titsariserile Xibalo xa Malinghena naswona vuxokoxoko lebyi bya ntsariso byi ta tirhisiwa ku tumbuluxa Enthithi ya Xinawu.

## Xana hi rhumela kwihi tifomo?

Tifomo to endla swikombelo ti fanele ku rhumeriwa [ehofisi ya Khasitomo ya le kusuhi](#).